

六典通考



六興圖考



六典通考卷一百二

湖西閻鎮珩輯

禮制考

祭山川四望

山川之祭昉自黃帝迨有虞受終因類帝而舉望祀之
禮書曰望于山川徧于羣神歲二月東巡守至於岱宗
柴望秩于山川說者以爲就祭其地謂之祭望者遙祭
之名秩次也五嶽視三公四瀆視諸侯餘視伯子男各
因其次而秩序之也尙書虞傳曰維元祀巡守四岳八
伯壇四奧沈四海封十有二山兆十有二州樂正定樂
名元祀岱太山貢兩伯之樂焉東岳陽伯之樂舞侏儻

其歌聲比余謠名曰哲陽儀伯之樂舞饗哉其歌聲比
大謠名曰南陽中祀大交霍山貢兩伯之樂焉夏伯之
樂舞謾或其歌聲比中謠名曰初慮義伯之樂舞將陽
其歌聲比大謠名曰朱千秋祀柳穀華山貢兩伯之樂
焉秋伯之樂舞蔡俶其歌聲比小謠名曰苓落和伯之
樂舞元鶴其歌聲比中謠名曰歸來幽都宏山祀貢兩
伯之樂焉冬伯之樂舞齊落歌曰縵縵并論八音四會
禹平水土九州攸同九山刊旅旅祭名也治功畢而告
祭也周武王滅殷反自商郊柴望大告于武成天下旣
定巡守方國于是復行柴望告祭之禮詩曰於皇時周
陟彼高山墮山喬嶽允猶翕河又曰懷柔百神及河喬

岳序者以爲祭四岳河海之詞是也成王盟諸侯于岐陽置茅莚設望表使楚與鮮卑守燎焉傳曰天子方望之事無所不通諸侯山川不在其封內者則不祭也是以三代命祀祭不越望晉望梁山楚望江漢睢漳左傳韓宣子謂子產曰寡君寢疾並走羣望又王子朝使人告諸侯言諸侯無不並走其望以祈王身是皆祭山川稱望之證也鄭眾以四望爲日月星海許慎以爲日月星辰河海太山賈逵服虔杜預以三望爲魯分野之星及國內山川而康成釋大宗伯文則專以五嶽四鎮四瀆當之今依鄭義統其目曰祭山川四望云

大宗伯以血祭祭五嶽以貍沈祭山林川澤

五嶽東曰岱宗南曰衡山西曰

華山北曰恆山中曰嵩高山不見四瀆者四瀆五嶽之匹或省文祭山林曰狸川澤曰沈順其性之含藏國有大

故則旅四望旅陳也四望五岳四鎮四瀆小宗伯兆五帝于四郊四望

亦如之兆山川邱陵墳衍各因其方順其所在典瑞兩圭有邸

以旅四望注見方澤璋邸射以祀山川璋有邸而射取殺于四望玉人璋邸

射素功以祀山川邸射刺而出也素功無瑑飾牧人望祭各以其方之

色牲毛之望祀五岳四鎮四瀆也羊人凡沈其其羊牲小子凡沈

飾其牲爾雅祭川曰浮沈犬人掌犬牲凡沈用駟可也駟謂不純色也

司服祀四望山川則毳冕毳畫虎雌謂宗彝也其衣三章裳二章大司樂乃

奏姑洗歌南呂舞大磬以祀四望姑洗陽聲第三南呂為之合乃奏蕤賓

歌函鍾舞大夏以祭山川蕤賓陽聲第四函鍾為之合函鍾一名林鍾舞師掌

教兵舞帥而舞山川之祭祀山虞若祭山林則為主而修

除旦蹕

爲主主辨護之也修除治道路場壇

大祝國將有事于四望則前祝

前祝者王出也歸也將有事于此神太祝居前先以祝辭告之

月令孟春命祀山林川澤

仲夏命有司爲民祈祀山川百源仲冬天子命有司祈祀四

海大川名源淵澤井泉

順其德盛之時祭之也

季冬乃畢山川之祀

之功成于冬

命宰歷卿大夫至于庶民土田之數而賦犧牲以共

山林名川之祀

歷猶次也卿大夫采地亦有大小其非采地以其邑之民多少賦之

通典禮

神之玉兩珪祿邸五寸牲用少牢各隨方色幣亦隨牲色器

用蜃

蜃人凡四方山川用蜃

用五獻

禮器五獻察注謂祭四望山川

祭曰王及尸皆服

毳毼

史記周公祀太山以召公爲尸是有尸也

樂奏姑洗歌南呂舞大韶以祀四

望奏饗賓歌函鍾舞大夏以祀山川其祭岳鎮則升血爲始

四瀆則沈血爲始

爾雅云祭山曰度懸祭川曰浮沈

次薦豆籩及爛肉爲朝

踐

爛謂沈肉于湯也

時王酌盞齊以獻所謂朝踐之獻也大宗伯亞

獻亦以盞齊至熟王酌清酒以獻尸亞者亦清酒所謂饋食之獻通前四獻也尸食訖王又酌清酒以醕尸凡五獻也

劉向曰五岳者何謂也泰山東岳也霍山南岳也華山西岳也常山北岳也嵩高山中岳也五岳何以視三公能大布雲雨焉能大斂雲雨焉施德博大故視三公四瀆者何謂也江河淮濟也四瀆何以視諸侯能蕩滌垢濁焉能通百川于海焉能出雲雨千里焉爲施甚大故視諸侯也山川何以視子男也能出物焉能潤澤物焉能生雲雨爲恩多然品類以百數故視子男也

學記三王之祭川也皆先河而後海 禮器晉人將有事于

河必先有事于惡池齊人將有事于泰山必先有事于配林

注見吉禮篇

王制山川神祇有不舉者爲不敬魯僖公三十一

年夏四月四卜郊不從乃免牲猶三望

三望分野之星國中皆因郊祀望而

祭之猶三望亦非禮也望郊之細也不郊亦無望可也公羊傳

天子有方望之事

方望謂郊時所望祭四方羣神日月星辰風伯雨師五岳四瀆及餘山川凡三十六

所無所不通諸侯山川有不在其封內者則不祭也三望者

何望祭也然則曷祭祭太山河海曷爲祭太山河海山川有

能潤于百里者天子秩而祭之

禮祭天牲角繭栗社稷宗廟角握六宗五岳四瀆角尺其

餘山川視卿大夫天燎地瘞日月星辰布山縣水沈風磔雨升燎者取俎上七體與其珪寶在辨中置于柴上燒之觸

石而出膚寸而合不崇朝而徧雨乎天下者唯太山爾河海

潤于千里

韓詩說曰湯時大旱使人禱于山川是也

猶者何通可以已也何以書

大史通志卷一百二
議不郊而望祭也

禮書望祀或設于郊天之後或設于巡守之方或旅于大故之時則望有常有不常之祀也崔靈恩謂四望之祭歲各有四不知何據然也望祀其兆四郊其牲各放其方之色其樂姑洗南呂大磬其玉兩圭有邸其服毳冕其位茅以辨之而植表于其中周禮所謂旁招以茅晉語所謂茅莚設表望是也白虎通謂周公祭太山以召公爲尸其言無所經見

秦并天下令祠官所常奉名山川鬼神可得而序于是自嶠

而東名山大川祠曰太室

嵩高也

恆山泰山會稽湘山水曰濟

曰淮春以脯酒爲歲禱因泮凍

解凍也

秋涸凍

涸凝也

冬塞禱祠

謂報其所祈其牲用牛犢各一牢具牲幣各異自華以西名

下禱塞同

山七曰華山薄山薄山相嶽山岐山吳山鴻蒙瀆山蜀山之

嶠也爾雅河西曰嶽或云嶽即吳嶽也徐廣云嶽山在武功

吳山在濟陽郡之吳山縣鴻冢者黃帝名川四曰河祠臨晉

臣鬼史區號大鴻葬雍故鴻冢是也

朝邑縣界沔祠漢山沔漢水之湫泉祠朝那湫在安定郡界清微

誼汚轍興雲雨土俗亢旱每于此求之相傳江水祠蜀亦春

云龍所居也天下山川猥曲亦往往有之

秋泮涸禱祠如東方山川而牲亦用牛犢牢具珪幣各異而

四大鴻冢岐吳山皆有嘗禾以新穀祭其河加有嘗醪皆在雍州

之域近天子都加車一乘駟駒四灋滻灃潒涇渭長水皆在

大山川數以近咸陽盡得比山川祠而無諸加謂加車及駟駒之屬

漢文帝十五年夏四月修名山大川用駒者悉以木偶馬代

大典通考卷一百二

五

行過親祠者乃用駒神爵元年制詔太常夫江海百川之大

者也今闕焉無祠其令祠官以禮爲歲事言每歲常祠之以四時祠

江海雒水祈爲天下豐年焉自是五嶽四瀆皆有常禮東嶽

泰山于博中嶽太室于嵩高南嶽瀟山于瀟西嶽華山于華

陰北嶽常山于上曲陽常山郡之縣河于臨晉江于江都淮于平

氏南陽之縣濟于臨邑界中東郡之縣皆使者持節侍祠惟泰山與河

歲五祠江水四餘皆一禱而三祠云建平三年王莽改祭禮

大合樂祀四望祭山川四望日月星海也三光高而不可得

親海廣大無限界故其樂同山川地理也

後漢章帝元和二年詔祀山川百神應禮者

魏黃初三年禮五岳四瀆咸秩羣祀瘞沈珪璋青龍元年夏

五月詔諸郡國山川不在祀典者勿祠

晉太始中詔曰昔聖帝明王修五岳四瀆名山川澤各有定制末世信道不篤僭禮瀆神縱欲祈情曾不敬而遠之徒偷以求幸祇妄相煽舍正爲邪故魏朝疾之其案舊禮具爲之制使功著于人者必有其報而祇淫之鬼不亂其間

東晉建武元年令郡國有五岳者置宰祝二人及有四瀆若海應祠者皆以孟春仲冬祠之太甯三年七月詔曰自中興以來五岳四瀆名山大川載在祀典應望秩者悉廢而未舉主者其依舊詳處

宋大明七年六月有司奏奠祭霍山殿中郎邱景先議宜使太常持節牲以太牢之具羞用酒脯時穀禮以赤璋纁幣器

用陶匏藉用茅爲壇兆時不用蜃同郊祀以爵獻凡肴饌種數依社祭

梁令郡國有五岳置宰祀三人及有四瀆若海應祀者皆孟春仲冬祀之

後魏景穆帝立五岳四瀆廟于桑乾水之陰春秋遣有司祭其山川諸神三百二十四所每歲十月遣祠官詣州鎮徧祀有水旱災厲則牧守各隨界內而祈謁王畿內諸山川有水旱則禱之太武帝南征造恆山祀太牢浮河濟祀以少牢過岱宗祀以太牢遂臨江登瓜步而還太和四年敕天下祀山川羣神及能興雲雨者修飾祀堂薦以牲璧

北齊天保元年六月己亥詔分遣使人致祭于五岳四瀆

後周大將出征遣太祝以羊一祭所過名山大川

隋制祀四鎮東鎮沂山西鎮吳山南鎮會稽山北鎮醫無閭

山在東夷中遙祀冀州鎮霍山並就山立祠祀四海東海于會稽縣

界南海于南海鎮南並近海立祠及四瀆並取側近巫一人

主知灑掃並令多植松柏

邱濬曰鄭元注周禮四望有五岳四瀆而無四鎮至是始祀之而又

以冀州霍山爲中鎮是爲五鎮行幸所過名山大川則有司

致祭岳瀆以太牢山川以少牢

唐制嶽鎮海瀆祭于其廟無廟則爲之壇坎廣一丈四向爲

陛者海瀆之壇也嶽鎮海瀆以山尊實醴齊山林川澤以蜃

尊實沈齊皆二嶽鎮海瀆以兩珪有邸幣如其方色嶽鎮海

瀆山林川澤簋豆各二簋簠俎各一邱陵墳衍原隰簋豆各

一簋簠各一四時祭五岳四鎮四海四瀆爲籩豆十簋二簋二俎三犢皆少牢年別一祭各以五郊迎氣日祭之東嶽岱山祭于兗州東鎮沂山祭于沂州東海于萊州東瀆大會于唐州南嶽衡山于衡州南鎮會稽山于越州南海于廣州南瀆大江于益州中嶽嵩山于洛州西嶽華山于華州西鎮吳山于隴州西海及西瀆大河于同州北嶽恆山于定州北鎮醫無閭山于營州北海及北瀆大濟于洛州其牲皆用太牢禮官以當界都督刺史充先天二年封華岳神爲金天王開元十三年封泰山神爲天齊王天寶五載封中岳神爲中天王南岳神爲司天王北岳神爲安天王六載河瀆封爲靈源公濟瀆封爲清泉公江瀆封爲廣源公淮瀆封爲長源公

會稽山爲永興公岳山爲成德公霍山爲應聖公醫巫閭山爲廣甯公八載閏六月封太白山爲神應公其九州鎮山除入諸岳外並宣封公十載正月以東海爲廣德王南海爲廣利王西海爲廣潤王北海爲廣澤王分命卿監諸岳瀆及山取三月十七日一時備禮兼冊祭儀具開元禮舊儀岳瀆以上祝版御署訖北面再拜武太后證聖元年有司上言五岳視三公四瀆視諸侯天子無拜公侯之禮請依舊儀五岳以下署而不拜制可開元元年太常奏准唐禮祭五岳四瀆皆稱嗣天子祝版皆進署切以舜典五岳視三公四瀆視諸侯則不合稱嗣天子及親署其祝文伏請稱皇帝謹遣某_乙敬祭于某岳瀆之神版並合御署至上元元年中祠小祠一切